

斟消夜酒酒杯停月華清披襟散髮欣欣唱道情

六么令 法性

渾淪撲散天地始玄黃鳥飛兔走漸生羣物類開張一點如如
至性撲入膜皮囊游魂失道隨波逐浪萬年千載不還鄉 錯
了鴻濛體段憎愛日相望卻認父母形骸做我好容光劫劫輪
迴販骨受盡苦和殃何人聞早尋他歸路瑩然恢廓舊嘉祥

芟荷香 乞食

日奚爲信騰騰遶村覓飯充飢攔門餓犬撐突走跳如飛張牙
怒目待操心活齷人皮是則是教你看家宜分善惡不辨高低
可歎信信此物益多生乖劣一性昏迷談科演教叮噓指耳

道藏輯要

潘溪集

究 又胃集三

難知雖然太上駕親臨無處慈悲爲人早早修持還到恁時發
憤應遲

喜遷鶯 鍊心

要離生滅把舊習般般從頭磨徹愛欲千重身心百鍊鍊出寸
心如鐵放教六神和暢不動三尸顛蹶事猛烈仗虛空一片無
情分別關結除縲紲方遇至人金口傳微訣頓覺靈風吹開魔
陣形似木雕涅槃既得性珠天寶勘破春花秋月恁時節鬼難
呼唯有神仙提挈

鳳棲梧 寄東方
學道者

天下風光何處好八水三川自古長安道錦樹屏山方曲遶天

涯海角誰能到 既是拋家須早早雲水登程莫戀閑花草直
至潼關西嶽廟教君廓爾清懷抱

其二 道友見訪
於磻溪

孤僻堪巖清淨界鑿土安身抱道忘知解道友相看唯莫怪貧
閑守拙無相待 富貴功名堪倚賴多是非尖嶮多成敗玉
食馨香終不耐簞瓢寂淡常安泰

今日思量當日故知我前程迢遞時難度福祐不弘天不助忽
忽欲去無門去 走骨行屍心已悟魂夢悠悠且向磻溪住幸
謝街坊豪傑尸時時鷲謂來相顧

其三 述懷

道藏輯要

磻溪集

卅

又胃集三
川九三

西轉金烏朝白帝東望銀蟾皓色籠青桂漸扣南華排菊會滿
斟北海醺醺醉 醉卧終南山色裏山色清高夜色無雲蔽一
鳥不鳴風又細月明如晝天如水

雙雙鷺 春山

春煙淡蕩青山媚行雲亂飄空界花光石潤秀出洞天奇恠尸
牖平高萬丈盡耳目臨風一快多生活劫塵情曠朗渾無纖芥
堪愛逍遙自在疎枷鎖拋離業根冤債風隣月伴道合水晶
天籟無限崢嶸勝景盡賜與山堂教賣千聖寶珠酬價問君誰

解

萬年春 土壟